

西北稀見方誌文獻

第四十九卷

中國西北文獻叢書



中國西北文獻叢書・第一輯

西北稀見方誌文獻

第四十九卷



目錄

肅州新志

清 吳人壽纂 何衍慶修

三

洮州廳志

清 張彥篤修 包永昌纂

二六三

河州志

明 吳禎纂

五二一

和政縣志

清 王詔纂

六四五

肅州新志

肅州新志

肅州縣志

原版本規格

開本：二五四×一五三（毫米）
版芯：一九二×一二七（毫米）



般

0

張氏



肅州新志

天文 星野 祥異



易曰觀乎天文以察時變日月星辰之變也
人事動於下天象著於上觀而察之預為備也
謂天之下州有九中國居一焉貢所載於中
天上二十八宿為中國九州之分野信乎存而不論可也惟變
不虛生熟識緯進讓諄恐懼修省盡人事以補天為政者安可
忽諸志天文

星野

肅州新志



祥異

漢順帝漢安二年秋九月酒泉振地地震

建康元年詔光祿大夫蔡行振振酒泉詔曰隴西漢陽振振酒

泉北地武威武都自去年九月以來地百八十震山谷崩裂敗

壞城寺毀害民庶夷狄叛逆賦役重數內外怨曠惟谷歎息其

遣光祿大夫蔡行宣暢恩澤惠此下民勿為煩擾

靈帝光和三年自秋至明年春酒泉表地動八十餘處涌水

溢出城中官廨民舍寺廟傾陷縣署易處吏縣城郭

晉安帝三年地大震時殺業稱涼王三年之中地震五十餘所

南北朝宋文帝元嘉十二年正月涼州有神投書於敦煌東門曰

肅州新志



涼王三十年若七年共八字求之不獲

唐肅宗至德元載十一月辛亥朔河西地震裂有聲陷廬舍張掖

酒泉尤甚至二載三月癸亥乃止

乾元二年四月丁巳舊見東方疾行惡求并免與柳凡五旬餘

不見

宣宗 年夏河西天大雷電晦冥烈風飛雪千里人畜死喪甚

衆時吐蕃吐酋長論恐熱與宰相尚婢婢相攻殺生靈塗炭

宋大中祥符三年恒星不見時西夏主趙明德以兵侵甘州回鶻

懼兵敗引還

元世祖至元二十二年甘肅沙三州饑民多流亡五月詔原免只

招集之無令失業

二十五年旱饑蠲賦明年又饑賑

清

肅州新志

(三)

康熙五十二年夏秋荒旱蠲賑平糶緩征

雍正十年春軍營五色雲見寧遠大將軍以聞五月沙州山水衝民廬舍甚眾有司賑之

十一年六月十九夜沙州山水驟發沖決永豐渠口水勢汎漲自八蜡廟漫入北門冲塌居民房舍五百七十八間每間發銀五錢賑之

十二年雙樹墩屯田中粟禾有一本叢生十餘莖一莖歧抽五六穗者委員州判任邦懷縣丞倪長庚以瑞穀嘉禾繪圖封報總理屯田侍郎將洞入奏奉旨宣示臣民極意褒美各省督撫提鎮皆表賀

肅州新志

四

十三年夏星隕硤水猛至衝塌客店旅舍甚眾

蜀邨

民為邦本食為民天百姓足君孰與不足得其本者省耕省斂
議賑議蠲雖遇螟螣水旱之災飛輓轉輸之役災不害而民不
擾其培植邦本者固也肅州災荒屢告軍務益繁若非時予寬卹厚養元氣
違戾豈復安全觀於輕徭薄賦恩詔頻頒偶遇偏災即行蠲賑
則所以于惠元元者真如轉戰之高厚有無疆之卹斯有無疆
之休德萬年之祚不亦宜乎志蜀邨

順治九年豁免肅州所屬故絕拋荒並水淹沙壓地畝頭徵糧單

康熙二十二年蠲免肅州屯科糧單

康熙三十六年蠲免肅州屯科糧單

肅州新志

五

康熙四十二年獲准甘肅所屬建威被災饑民流散限一年內招
回大口給米五升小口給米一升並查明原有地畝者來春每
畝給籽種三升無產業者令地方官將無主荒地撥與耕種即為
己業籽種亦照數支給

康熙四十五年豁免甘肅自四十三年以前未完地丁銀二百一
十二萬二千七百兩有奇糧十萬五千七百石有奇

康熙五十二年豁免甘肅五十年五十一一年地丁錢糧

康熙五十二年甘肅夏秋被災薄收本年錢糧緩徵發倉接濟窮
民并動捐穀借給平糶共四十九年舊欠銀兩緩至五十五年
帶徵

肅州新志

五

康熙五十三年陝西甘肅去歲薄收於附近存貯糧內撥賑自二
月起至六月終止每日大口給糧三合小口二合具有缺之籽
種牛具者每畝給糧五升未回籍者地方官酌給路費撤回令
甘肅各州縣修城使窮民得以備工度日派大臣一員巡查甘
肅被災地方兼行賑濟 又奉旨靖逆衛屯氏於應辦軍米之
外情願另備餘草運赴大東梁站所以佐軍需查靖逆遠處口
外人民無幾而自備割運輸力效誠可見師以義行統領大臣
又能令承辦軍需各員無絲毫扣剋是以興情鼓舞相軍辦公
朕心渡為嘉悅著將靖逆庚戌年應徵正糧馬糧四百六十六
石零大草五千三百八十八束全行蠲免以示加恩邊民急公
之至意 又奉上諭查甘肅之河西四府如寧夏西寧及甘涼
肅以至嘉峪關外之靖逆赤金柳溝等衛所應徵糧俱係糧
料草束與各省額徵折色無異今當用兵之際黎民踴躍急公
甚屬可嘉應將額徵本色加恩豁免戶部查明具奏旋蒙履准
除靖逆衛庚戌年應徵糧草業已全行蠲免外其甘涼寧夏西
寧及肅州道屬以至赤金柳溝各衛所庚戌年共應徵糧三十
五萬六百五十五石二斗四升零草四百七十五萬二千三百
六十九束悉行豁免 又奉上諭朕愛養黎元起過一體而邊
地小民尤繫朕念著將庚戌年甘肅額徵地丁銀二十七萬七
千六百兩零四川額徵地丁銀三十一萬六千三百兩零悉行

蠲免 又奉上諭甘肅為軍需總匯之區百姓急公趨事所當格外加恩俾無催徵之擾者將河東河西各屬民戶屯戶番民等本年應徵各項銀糧草束一概蠲免若有已經完納者准作來年正賦該督撫等札行飭令各屬州縣務體知照

雍正九年蠲免西安所屬顯徵地丁銀十分之二共計銀四十七萬九千八百兩零其甘肅所屬顯徵地丁銀二十八萬二千二百兩零全行蠲免

雍正十三年奉上諭西陲用兵以來一應軍需皆取資於公帑絲毫不可累民惟是甘肅等處運送糧餉不能不藉民力朕心時為軫念前已屢沛恩膏即當豐稔之年亦下蠲租之詔所以資

肅州新志

百姓之急公示朕心之體恤也茲聞甘肅地方入夏以來有雨澤愆期之州縣或恐收成稍薄納課艱難着將本年應徵地丁錢糧全行蠲免俾催課不擾民力寬舒該督撫量率有司實力奉行以副朕加惠秦民之至意 又奉上諭西陲用兵以來民人急公効力甚屬可嘉是以疊行蠲免今年又將地丁錢糧倉豁除所以優恤民力令其寬裕也今據巡撫許容奏稱五月接奉諭旨之時已據各屬詳報完納銀一十二萬餘兩查定例已完者免餉未完者免徵此項應照例免餉等語朕因秦民奉公趨事是以特加格外之恩而其中爭先完課者尤為良善之民着將已完若干准作來年正賦可得旨速行曉諭俾聞闔咸知朕

意是年八月以後乾隆改元奉恩詔將雍正十二年以前舊欠屯科糧草悉行蠲免

肅州新志

肅州新志

地理疆域 形勝 山川 道里 古蹟 塚墓

先王開侯饒要荒為五服極至夷蔡蠻流而地理明焉於是畫疆域以啟封具形勢以固守重山川以俟望表道里以正方而其中古蹟名勝塚墓皆足以資觀覽而聘憑焉然非街市以倫商旅村落以鳩人民亦里墟而土曠矣至於口外程途實番夷貢道又守土者所宜知也肅州為入關第一門戶版章孔學自漢迄今分併不一披輿圖考職方俾得瞭如指掌志疆域

肅州新志



按崆峒山在今肅州東南六十里舊屬福祿縣志記云黃帝披山通西至崆峒是也或以為平涼崆峒者非

顓頊高陽氏紀云北至於幽陵南至於交趾西至於流沙東至於

蟠木按流沙在今沙州西八十里其沙隨風流行故

堯舜紀云南至交趾北戶北至山戎恩慎東至島夷羽民西至析

支渠搜底比咸戴帝功

按後漢書西羌傳云西羌之本出自三苗舜徙於三危在河關之西南濱於賜支至於河首綿地千里此即高貢所謂析支也析支或為賜支蓋西邊番羌諸種多嚮自三苗之裔而北邊則唐虞以上已有獫狁獫狁山戎矣厥後北胡匈奴均皆異種者

三代

夏高貢云黑水西河為雍州弱水既西原隰底績至於獫狁三危現宅三苗丕敘黑水弱水說見藝文按獫狁也志謂武成獫狁之獫當世多誤讀為姓賦不知休屠澤即今柳林湖木句奴休屠王牧

肅州新志



夏紀云太康時夷人不賓及少康中興世服王化賁於王門獻其樂舞后桀之世畎夷入居郿岐之間

殷紀云成湯既興伐而攘之武丁伐鬼方三年乃克自是底比來

王武乙時夏父避狄於岐至三十五年王季伐西落鬼戎俘狄

王二十太丁時克余無之戎及始呼翳徒之戎文王又攘昆夷

逐獫狁

周武王伐商克桀師既克高遂通道於九夷八蠻西旅底貢厥

獫狁王西征犬戎獲其五王還之太原迨至宣王遂有太原朔

方之師平王木龍山以東渭首涇北皆有戎春秋時陸渾戎自

瓜州遷於伊川允姓戎遷於涇汭按太原即國原非晉陽舊名河南今河套也其真夏在河

西屬北地郡瓜州即今之瓜州春秋傳成子制支所謂迎逆乃祖晉離於瓜州是也九姓陰氏之祖與三苗俱於三危者也

秦

朔方河套之地自南仲築城以後周衰至戰國趙武靈王呼北狄曰胡君曰匈奴日新強盛入居河套居至秦昭王滅義渠置隴西北地土郡築長城以距胡至始皇兼天下使蒙恬將十萬北擊匈奴悉收河南地因河為塞起臨洮至遼東萬餘里又渡河至陽山北假中是時匈奴頭曼不能勝乃北徙眾羌亦不敢南渡迨楚漢分爭諸侯調遣者皆逃去於是匈奴復漸渡河南與中國界於故塞是時肅州為月氏所據月氏者西羌別種本

肅州新志

(三)

行國隨牧徙與匈奴同居祁連山之閒當秦之初月氏強盛輕匈奴匈奴單于曰頭曼其太子曰冒頓頭曼愛後妻閼氏生少子嫪毐冒而立之乃賢冒頓于月氏而急擊之月氏破殺冒頓冒頓竊其善馬亡歸頭曼壯之使將萬騎冒頓乃作鳴鏑習勒騎射攻月氏破其國而老上單于殺月氏王以其頭為飲器月氏太子率眾遠遁西擊大夏居之其餘小眾不能去者保南山羌中號小月氏冒頓既得志破東胡走月氏威震百蠻臣服諸羌弒其父雄北王並分封其種人休屠王于武威渾邪王于酒泉河西土地悉為匈奴所有渾邪一作昆邪

漢南山一名祁連山匈奴呼天為祁連又居雪山今俗通謂之南山在河西四郡之南起武威居延張掖過酒泉連

數里連見西域傳東漢書西羌傳多依於此

漢

漢興高惠文景之時與民休息未遑遠畧匈奴使右賢王入居河南地為寇烽火通於甘泉文帝遣丞相灌嬰擊之出塞既又使三將軍車長安西細柳渭北棘門蒲上備之按漢書匈奴傳文帝十四年匈奴單于遣使獻馬力強以滅月氏盡斬殺降下之樓蘭焉武帝合其眾二十餘萬皆為匈奴諸引弓之民並為一家文帝合其之惟遣將軍走出塞擊之而已其游朔河而仍如故也

漢

武帝元朔二年遣將軍衛青李息出雲中至高闕逐西至符離捕首虜數千級畜百餘萬擊走白羊樓煩王收河南地置朔方郡

肅州新志

(四)

按此即今所名河套也其河西寧夏之地自秦已屬北地郡置縣邑漢因之匈奴不敢入居考地理志北地郡有富平靈武靈州等縣至隋唐時分置靈武郡治迴樂註云即漢富平縣也斯時寧夏賀蘭以西皆匈奴部落其居祁連間者曰昆邪王曰休屠王休屠分地武威昆邪分地張掖元狩二年遣驃騎將軍霍去病將萬騎出隴西過焉耆山千餘里獲虜八千餘級夏復與公孫敖將數萬騎出隴西北地二千餘里過居延攻祁連山得首虜三萬餘級裨小王以下十餘人單于怒昆邪休屠居西方數為漢所破欲召誅之二王恐降漢休屠後悔昆邪殺之并其眾降漢乃封昆邪為列侯置五屬國

以其地為武威酒泉二郡此為武威酒
泉建置之始

元鼎二年西羌反遣將軍李息郎中令徐自為討平之秋又遣淳

沮將軍公孫賀出九原匈奴河將軍趙破奴出令居皆二千餘

里不見虜奴而還乃分武威酒泉地增置張掖敦煌二郡此為
張掖之始

昭帝時又增置金城郡遂設涼州刺史以統之治隴西所部郡國

十二曰隴西曰漢陽曰武都曰金城曰安定曰北地曰武威曰

張掖曰酒泉曰敦煌曰張掖屬國曰居延屬國此為河西五
郡建置之始

按武帝開疆此即所稱河西五郡也匈奴既北去每歌曰失

我馬支山使我婦女無顏色失我祁連山使我六畜不蕃息

肅州新志

(五)

蓋傷之也所謂斷匈奴右臂者此耳焉耆山一名焉支一

作燕支俗名胭脂者非匈奴稱焉耆為關氏音與相同山在今

永昌縣西八十里漢書云河西自武帝開邊之後度河自朔

方以西至今居住通渠置田官吏卒五六萬人酒泉列亭

障至玉門又自敦煌以西至鹽澤俱起亭障而輪臺渠犂

有田卒

宣帝時又置西域都護治烏壘城去陽關西二千七百三十八里

為西域道里之中督察焉耆康居諸外國其北如胥鞬步車伊

循車師等處皆置屯田戊己校尉即金城渾中莫不田作於是

涼州水草畜牧為天下饒人民富庶甲於內郡

新莽之末西域雖經擾亂而河西殷富帶河為國張掖屬國精兵

萬騎杜絕河津足以自守

按王莽時以重幣賂金城郡河關外之卑和羌使獻地置西

海郡

史始時竇融為張掖屬國都尉武威張掖酒泉敦煌金城皆隸焉

於是五郡太守共推融行河西五郡大將軍事河西民俗質樸

融等政亦寬和上下相親晏然富殖修兵馬習戰射明烽燧之

警羌胡犯塞諸郡相殺如符要輒破走之其後匈奴怨義稀復

侵寇而保塞羌胡震服親附匈奴不能害時先零封河諸種

殺金城太守詔其郡隗囂賂封河與共結盟發其衆融奉光

肅州新志

(六)

武詔出軍與諸郡守將兵入金城擊封河入破之斬首千餘級

得牛馬羊萬頭穀數萬斛並傷威武伺候車駕於是隗囂失

援遂敗又永元初融出朔方犂龍庭勒銘燕然山去塞三千餘

里後三年融復出河西使耿种往尚等率兵出居延塞直搗北

單于庭於金微山斬名王關氏以下五千餘級單于與數騎遁

出塞五千餘里而還自漢出師所未嘗生也

後漢書光武中興嚴苦兵革閉玉門關專務休息至明帝時取伊

吾屯車師置都護西域五十餘國屯田置吏皆內屬馳命走驛

不絕距玉門陽關萬餘里靡不周盡風聲餘烈約如前漢桓帝

時諸羌叛亂涼州皇甫謐張奐段熲先後討平之獻帝建安時

分金城郡置西平郡又於居延屬國置西海郡

按西平郡即今西甯府日勒城在今刪丹縣東南略武城在今

張掖縣西北鸛鳥之鳥音爵縣名屬武威郡故城在今涼

州昌松縣北今鮮水在今甘州府北界即合黎水一名羗谷

水又姑臧本以水得名漢書註云姑臧水出南羗山中西北

流為張掖河入澤汎田俗名泉澗河在涼州西十二里舊謂

此即黑水之支流入弱水者

三國

魏文帝時移涼州刺史之治於武威 漢治隴西至是移之晉仍

魏舊 按隴西即今鞏昌府武威即今涼州府

肅州新志

晉

武帝咸寧中鮮卑樹機能反涼州覆沒使馬隆討平之惠懷之亂

隱帝北狩長安陷而五凉西秦之事起自此以後河西之地不

入中國者二百餘年

五凉

前凉時張軌鎮涼州刺史保河西治姑臧張掖酒泉隸之 說見

人物

後凉呂光據河西治姑臧稱天王張掖酒泉隸之 說見人物

南凉秃髮烏孤據廣武稱西平王其弟利鹿孤嗣稱河西王盡有

河西之地薄檀繼之稱涼王 說見人物

北凉沮渠蒙遜據建康郡旋遷姑臧稱西河王 說見人物建康

即今高臺縣

西凉李嵩據敦煌酒泉稱西凉公 說見人物

西秦乞伏國仁據金城稱大單于其弟乾歸嗣之稱秦王 說見

人物

以上諸國俱在河西五郡之內張氏分為二十二郡更起迭

仆如擅場觀劇按其幅員不越漢土非有武據之實也後皆

歸拓跋魏氏周隋繼之

魏世祖大延五年平北凉取張掖樂都武威酒泉置守將以樂平

王丕鎮西凉州

肅州新志

按西凉州即張掖至後魏改為甘州又分張掖置臨松郡以

吐蕃之祖為臨松郡丞又改武威為武安郡大業中復名武

威此註宜歸沿革

隋

大業十三年姑臧人李軌攻克張掖敦煌西平抱罕據之盡有河

西五郡稱大凉王又有薛舉據金城隴右後留為唐太宗削平

之並攻破吐谷潭降伊吾平高昌開四鎮明皇又收黃河積石

宛秀等處置為軍

唐 太宗貞觀元年分天下為十道設都督府以河西屬隴右

唐宗景雲元年始置節度使二年分隴右為河西道置按察使
明皇天寶元年置十道節度經畧使以河西節度斷吐蕃治涼州
以隴右節度備吐蕃治鄯州以安西節度撫輯西域治龜茲城
統龜茲于闐焉耆疏勒四國謂之安西四鎮其伊州都督府治
伊州西州都督府治西州北庭都護府治庭州

按唐代地土西自陽關玉門以外擴地幾三千里而鎮撫廣
國不在數內其金城所屬之蘭鄯廓洮積石等州軍界漢世
河關臨羌極邊之地皆有之版圖之盛倖踪而漢中國無斥
候警者幾四十年輪臺伊吾屯田禾菽彌望開安連門署曰
西極道又揭其堠曰凡九百里以示戍人無萬里之行也

肅州新志

九

又按唐河西縣邑雖滅於漢而其增置大斗寘寇玉門建康

等軍及同城守捉使甚多

附吐蕃之亂大中收復史畧

唐書吐蕃傳云吐蕃在吐谷渾西南魏時有為臨松郡丞者伊祖
也招撫羣羌日以強大天寶以前嘗攻陷安西四鎮及瓜州玉
門等城屢為邊患安史犯逆哥舒翰悉兵東守潼關諸將亦各
以兵討難邊候空虛吐蕃遂得乘隙暴掠至德初攻萬州及武
威諸城入屯石堡又取廓羅岷等州及河源莫門軍實應元年
陷臨洮取秦成渭等州又破西山合水城入大震關取蘭河鄯
洮等州於是隴右之地盡亡又入涇州破邠州入奉天畧武功

入長安還屯原會成渭之間南入松羅堡及夕雲山新龍城西
圍涼州而河西節度使楊志烈跳保甘州涼州遂亡貞元中又
寇靈武陷鹽夏二州已而北庭安西亦相繼陷憲宗十四年復
攻陷沙州其肅甘瓜伊西州之陷俱在廣德以後迨宣宗時吐
蕃衰亂強酋論恐熱與高婢婢相攻高婢婢敗走歸唐末為河
西節度使天子不許奔還西州恐熱被北庭首領僕固俊擊斬
之傳首京師遂收復隴右之地大中五年沙州首領張潮義泰
表以瓜沙伊肅甘十一州地圖來獻遂置歸義軍於沙州以潮
義為節度使畧定旁州咸通二年復奉涼州來歸於是河隴之
地盡復

肅州新志

十

附五代畧

文獻通考云河西自大中收復懿德而後中原多故未遑經營其
刺史節度使等官自相推置或奉表入貢因而授之不由朝選
如霸瑊而已後唐明宗時西涼孫超遣拓拔承誨入貢奏稱涼
州東距靈武千里西北至甘州五百里舊有鄯人二千五百為
戍卒及黃巢之亂遂為阻絕今城中漢戶百餘皆其子孫承服
言語畧如漢人涼州郭外數十里尚有陷沒漢民耕作請置官
守詔授起涼州刺史河西節度留後超卒有折通嘉施繼之
後周廣順中以中師厚為河西節度世宗時被衆迫逐還朝自是
不復命帥

宋

太宗至道元年西涼府押蕃落副使折通喻龍波朝請命帥詔以丁惟清知州事賜以牌印咸平元年河西軍左廂副使折通游龍鉢奉朝詔以龍鉢為安遠大將軍

甘州回鶻者非唐所封也武宗會昌時回鶻衰亂部落離散僅存名王貴人三百餘轉側天德振武間後有酋長龐特勒乘河西收復之後諸城空虛入居甘州盜有積西肅州諸城五代及宋屢遣朝貢冊為可汗咸平四年遣使來貢自言本國東至黃河西至南山有小郡數百中馬精習願朝廷遣使統顧縛繼遠以獻詔嘉獎大中祥符三年契丹將肅州王改回鶻入甘州復肅州新志

肅州大掠人民而去

哨廝囉者亦吐蕃遺族也自論恐熱亂後益衰弱族種分散大者數千家小者百十家無復統一具河西諸蕃內附者共四十五族內惟宗哥孛立邁哨廝囉擒捕等最強族帳甚盛勝兵六七萬與趙德明抗敵常敗元昊之帥詔加保順軍節度使

盟末部者吐蕃奴部也一號渾末自恐熱亂後無所歸共相肅合數千人自號盟末居甘肅瓜沙河渭岷廓堂定間沙州自張惟深卒世絕州人推曹義金為帥請命中國授歸義節度使子孫承襲自五代至宋仁宗雖貢獻封爵不絕然僅能自守其邊城蕃族難處悉隸哨廝囉

按世謂人材莫盛於宋愚謂人材莫乏於宋以西夏一隅之跳梁假使中樞有人此數族者皆可為我用也中國攻於東此族抄於西前後夾攻夏雖強豈能自存西夏既平河西亦全附矣舍此不圖一任竊據至二百四十餘年尚謂有人乎哉若韓范諸人專圖多年不聞損西夏毫末所稱將畧特其門生故吏誇詞耳腐學迂儒誇才智而空談道德宜其功敗如此以漢唐將相視之豈獨中樞無人即疆臣亦無人矣元

太祖即位時於幹難河元年伐夏攻拔力吉里寨大掠洛川城二年取幹難城四年克靈州夏主安全出降十六年伐夏二十

肅州新志

年取西涼甘肅河瓜等處二十一年取中興府及隆興等處二十二年伐夏執夏主親以歸

按續綱目云元破夏時多所殺戮凡避兵深岩幽谷間者俱搜索不免

世祖至元中時改涼甘肅諸州為路改設總管府河西龍右皆隸焉又設亦集乃路總管府領山丹西甯等二州

按此即漢之西海郡居延縣為竄寇軍夏主威福軍

明

太祖洪武五年宋國公馮勝將兵卷定河西截嘉峪關為限關外敦煌以西悉棄之遂以肅州為極邊於是置衛設司多用武臣

分駐要隘星羅碁布此為重鎮云

圖朝

河西自前明崇禎癸未被闖賊遣將陷沒甘肅焚掠尤酷州城內外死者四萬餘人順治二年

王師西討郡縣衛所望風歸附五年有逆猗朱刺印丁國棟等作亂殺官民陷城堡總督孟喬芳將軍張勇趙良棟等討平之衛所官司一仍明制厥後嘉峪關外西邊鄙之地及敦煌全郡漸次開屯設衛雍正初年改為府州縣廳旋改肅州為直隸州撥甘州之高臺縣隸焉乃於哈密設兵駐防守以固肅甘藩籬版章孔厚規模宏遠矣

肅州新志

①

疆域

在禹貢雍州之城弱水在東三危在西崑崙在南流沙在北商為鬼方氏羌之屬所居周屬犬戎皆古西域地秦為月氏國漢初為匈奴昆邪王地武帝始開酒泉郡治祿福縣其疆域甚廣統河西四郡皆是也既乃分酒泉置武威郡後又分武威置張掖郡分酒泉置敦煌郡三國屬魏仍為郡晉始為前涼張軌所有繼為西涼李暠所都後為北涼蒙遜所併元魏平北涼改為軍屬敦煌郡孝昌中復置酒泉郡隋初廢郡分置肅州大業初省入張掖郡堯寧元年改為酒泉縣唐初復置肅州既又置都督府貞觀元年罷府天寶初仍為酒泉郡乾元初復名肅州屬隴右道大厯元年陷於吐蕃五代及宋據於回鶻景祐中併於西夏元置肅州路總管府隸甘肅行中書省明設肅州衛隸甘肅行都司國初因之以肅州為衛所雍正三年改河西衛所為郡縣七年遂改肅州為直隸州而以高臺來屬東界甘州西界赤斤南界番屯北界蒙部

肅州新志

○